



Publicaziuns dalla vischnaunca, jamna 38

Votaziuns federalas, votaziun cantunala ed elecziuns communalas dils 22 da settember 2024

L'urna principala en casa communalada ei aviarta sco suonda: Dumengia, 22-9-2024, 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 20 da settember 2024, allas 14.00**, tier l'administraziun communalada (tel. 081 920 36 36).

Levgiament da votar

Mintga votant(a) ha la pussevividad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalada saveis Vus tarmetter cun posta (basegna negina francatura) ni directamein fierer en la scaffa da brevs dalla casa communalada.

Ils cedels da votar ston esser sil pli tard la dumengia, ils 22 da settember 2024 allas 11.00 tier l'administraziun communalada.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communalada

Lubientschas da baghegiar

Linstanza da baghegiar ha concediu suandontas lubientschas da baghegiar:

Nr. 2024-1061.000

Vischnaunca Disentis/Mustér, Via Cons 2, 7180 Disentis/Mustér,
Construcziun d'in silo da lenn per deponer sal, parcella 177, Plaun da Diras, 7180 Disentis/Mustér



**Cussegl da vischnaunca –
Rapport dalla seduta diils 13 da settember 2024**

Niev sistem departamental per la vischnaunca da Mustér

Venderdis, ils 13 da settember 2024 ha giu liug ell'ustria da panorama a Caischavedra la 34avla seduta dil cussegl da vischnaunca dalla perioda d'uffeci 2021/2024. El center dalla seduta ei stau la secunda lecziun davart la transformaziun dallas structuras communalas e la moziun per rinforzar la posiziun dalla cumissiun da gestiun. Il cussegl da vischnaunca ei il venderdis sera seradunaus extra muros a Caischavedra. Ell'ustria ha il directur dallas Pendericulas Mustér, Stefan Arnold informau ils presents davart ils differents projects che occuoran actualmeins sigl intschesch dallas pendericulas. Suenter l'informaziun e sut l'egida dil president dil cussegl da vischnaunca Ignaz Venzin ei vegniu fatg diversas damondas connex cun la revisiun parziala dil regulativ per il persunal communal. Il cussegl da vischnaunca ha suenter vasta discussiun cun gronda maioritad dau suatientscha alla nova organisaziun communal ed incaricau la suprastanza communal d'elaborar il reglament corrispudent. Aschia vegn il sistem da direcziun remplazzaus naven dall'entschatta digl onn 2025 entras il sistem departamental. Entras quella midada vegn el futur era la cumis siun da baghegiar a survegnir sper l'incumbensa da cussegliaziun la cumpetenzza da decider davart las damondas da baghegiar. Cul nivel sistem departamental duein las structuras daventaregl avegnir pli modernas, agilised efficientas. Plinavon vegnan las vias da decisiun pli semplass, nuncumplicadas e speditivas. La burocrazia interna vegn reducida sin in minimum. Plinavon ha il cussegl da vischnaunca acceptau la risposta dalla suprastanza communal arisguard la moziun vegnida inoltrada ils 20 da zercladur 2024 per «rinforzar la posiziun dalla cumissiun da gestiun» ed ha en quei connex gest incaricau la suprastanza communal d'instradar igl onn 2025 ina revisiun parziala dalla constituziun communal. La constituziun communal duei vegnir repassada ed adattada al temps dad oz, leu nua ch'igl ei necessari. Per quei intent vegn formau ina cumissiun speciala ch'exista dil moziunari, da treis cusseglierAs, treis convischinAsedil president communal.

Suprastanza communal

Revisiun parziala dalla planisaziun locala conclus d'approbaziun entras la Regenza

Cun conclus nr. 714 ha la Regenza dil cantun Grischun en applicaziun digl art. 49 dalla lescha da planisaziun cantunala (LPTGR) approbau ils 3da settember 2024 il conclus dalla cuminonza da votantas e votants diils 3 da mars 2024 davart la revisiun parziala dalla planisaziun locala, «exploitaziun da crappa Ragisch-Mumpé Medel», che cumpeglia:

Mieds da planisaziun

– Plan da zonas e plan general da formaziun 1:500

Basa

– Rapport da planisaziunecooperaziun I

Is mieds da planisaziun approbai ed il conclus dalla Regenza ein exponi publicamein per envesta duront il temps d'avertura dil spurtegl en casa communal (stanza nr. 10).

Questa comunicaziun succeda senza mieds legals Disentis/Mustér, ils 18 da settember 2024

Suprastanza communal Disentis/Mustér



Rimnada da pupi

Venderdis, ils 04-10-2024

- deponer il pupi sper via - bein veseivels (sche pusseivel in di avon)
- ligiar bein il pupi e buca far memia gronds pacs
- negin cartun (quel sa vegnir deponius a Raveras)

Adatg! Ei vegn mo rimnau: gasettas, illustradas, catalogs, cudischs e prospectes stampai.
Bien engraziament per Vies agid e sustegn.

Nossa Scola populara Mustér, Ch. Berger

Vischnanca Disentis/Mustér: Procedura d'approvaziun dals plans per installaziuns a current ferm Exposiziun publica dals plans

Project nr. S-2443928.1

Staziun da transfurmaziun provisorica per l'implant fotovoltaic grond Magriel (Ovra Solara Magriel)

- Edifizi nov sin la parcella nr. 2541 per il manaschi provisoric da l'implant per 10%da la prestaziun planisada da l'adattaziun cumpletta

- Il rapport davart la cumpatibilitad ecologica concernent l'implant fotovoltaic grond sa chatta en il dossier project nr. L-2441345.1 Coordinatas: 2703982 / 1173786 Project nr. L-2441344.1 Cabel provisoric da 16 kV tranter la staziun provisorica da transfurmaziun da l'implant fotovoltaic grond Magriel e la staziun existenta da transfurmaziun TR822 Gendusas (2703845 / 1173718) da la Repower - Nov implant da bischens che protegian cabels incl. montascha da cabels sin las parcelas nr. 2541, 2336 e 2539 per part en la zona da protecziun da l'aua sutterrana S3

- Il rapport davart la cumpatibilitad ecologica concernent l'implant fotovoltaic grond sa chatta en il dossier project nr. L-2441345.1 Coordinatas: davent da 2703845 / 1173718 fin a 2703982 / 1173786

Project nr. S-2443927.1

Staziun da transfurmaziun en l'edifizi tecnic per l'implant fotovoltaic grond Magriel (Ovra Solara Magriel)

- Nov edificis tecnic sin la parcella nr. 2541 en il rom da l'access a l'implant fotovoltaic grond - Il rapport davart la cumpatibilitad ecologica concernent l'implant fotovoltaic grond sa chatta en il dossier project nr. L-2441345.1 Coordinatas: 2703982 / 1173786

Project nr. L-2441345.1

Cabel da 16 kV tranter la staziun Mustér e la staziun da transfurmaziun en l'edifizi tecnic per l'implant fotovoltaic grond Magriel

- Part A: Nov implant da bischens che protegian cabels incl. montascha da cabels sin las parcelas nr. 2541, 2336 e 2539 sco er 2932 davent da la staziun da muntogna Gendusas fin a la staziun da transfurmaziun per l'implant fotovoltaic grond Magriel

-

- Part B: Il nov implant da bischens che protegian cabels per montar il cabel da 16 kV davent da la staziun da muntogna Gendusas fin a la staziun Mustér vegn construi en la decisiun generala da construcziun da terzs projects (engrondiment da l'indriz d'ennavar tranter Plaun Sut fin Caischavedra tras las Pendicularas Mustér SA e construcziun dal conduct nov da chalur a distanza Mustér tras la Recal SA) che na fan betg part da quest project (cf. comunicaziun dal ESTI nr. 2 / 2018 per construir stabiliments da bischens)

- Resalvada resta la montascha dal cabel 16 kV en la part B, fin che la decisiun generala davart la construcziun dals terzs projects ha obtegnì vigur legala. Coordinatas: davent da 2707622 / 1172818 fin a 2703982 / 1173786

Tar l'Inspecturat federal d'installaziuns a current ferm han inoltrà l'Axpogrid SA, Parkstrasse 23, 5400 Baden, sco er la POWER+ Engineering SA, Steigstrasse 17, 9552 Bronschhofen, en num da l'Axpogrid Solutions SA, Parkstrasse 23, 5400 Baden las dumondas d'approvaziun dals plans menziunads qua survart.

Il documents da dumonda concernent il project vegnan exponids publicamain dals 19 da settember fin ils 21 d'october 2024 en l'administraziun communal; Via Cons 2; chascha postala 57; 7180 Mustér. Il rapport



davart la cumpatibilitad ecologica pertutga l'implant fotovoltaic grond Magriel ed è agiuntà als documents sco cumplettaziun.

En il rom dal project general vegni renvià al suandant project da construcziun ordinari ch'è vegnì publicgà en il Fegl uffizial chantunal dals 20 da zercladur 2024 sco er en l'organ da publicaziun uffizial da la vischnanca da Mustér dals 21 da zercladur 2024: Exposiziun publica nr. eFUC 00.105.457; patruna da construcziun Oвра solara Magriel SA; implant da fotovoltaica grond tenor l'art. 71a Lescha d'energia (LEn; CS 730.0) cun obligaziun da far in'examinaziun ecologica.

La dumonda suttemessa cumpiglia las suandantas dumondas per autorisaziun(s) excepziunala(s) / permissiun(s) excepziunala(s):

- Permissiun excepziunala per edifizis e stabiliments ordaifer la zona da construcziun en il senn dals art. 24 ss. da la Lescha federala davart la planisaziun dal territori (LPT; CS 700)
- L'autorisaziun excepziunala concernent ils secturs da protecziun da las auas en il senn da l'art. 19 al. 2 da la Lescha federala davart la protecziun da las auas (LPAuas; CS 814.20)

Ils documents exponids stattan medemamain a disposiziun online durant il termin d'exposiziun sin <https://esti-consultation.ch/pub/4357/a677c652> Relevants èn mo ils documents ch'èn exponids en la vischnanca menziunada qua survat.

L'exposiziun publica chaschuna in scumond d'expropriaziun tenor ils artigels 42 fin 44 da la Lescha federala d'expropriaziun (LExpr; CS 711). Sche l'expropriaziun tanghescha contracts da locaziun e da fittanza che n'èn betg prenotads en il register funsil, ston las locaturas ed ils locaturs communitgar quai a lur locatarias e locataris resp. las affittadras ed ils affittaders a lur fittadinas e fittadins immediatamain suenter ch'ellas ed els han survegnì l'avis persunal. Plinavant ston ellas ed els infurmar l'expropriant davart talas relaziuns da locaziun e da fittanza (art. 32 al. 1 LExpr).

Tgi ch'è partida tenor las prescripziuns da la Lescha federala davart la procedura administrativa (LFPA; CS 172.021), po far protesta durant il termin d'exposiziun tar l'Inspecturat federal d'installaziuns a current ferm, Projects, Luppmenstrasse 1, 8320 Fehraltorf. [Questa protesta po vegnir inoltrada u en scrit u sin via electronica. En quest ultim cas sto la protesta ademplir las directivas davart las inoltraziuns electronicas e sto tranter auter cuntegnair ina sutscriziun electronica qualifitgada (cf. art. 5 fin 7 da l'Ordinaziun davart la comunicaziun electronica entaifer ina procedura administrativa [CS 172.021.2]). Tgi che na fa betg protesta entaifer il termin, è exclus da l'ulteriura procedura. Tgi ch'è partida tenor las prescripziuns da la LExpr, po far valair durant il termin d'exposiziun tut las dumondas tenor l'artigel 33 LExpr. Quai èn principalmain: a. protestas cunter l'expropriaziun; b. dumondas tenor ils artigels 7–10 LExpr; c. dumonda d'ina prestaziun en natiralias art. 18 LExpr; d. dumonda d'ina extensiun da l'expropriaziun (art. 12 LExpr); e. l'indemnisaziun d'expropriaziun dumandada. Obligads d'annunziar pretensiuns entaifer il termin da protesta èn er las locatarias ed ils locataris, las fittadinas ed ils fittadins sco er las possessuras ed ils possessurs dals dretgs da servitut e las credituras ed ils crediturs cun dretgs persunals prenotads. Ils dretgs da pegn e las chargias funsilas che garanteschon per in bain immobigliar che duai vegnir exproprià, na ston betg vegnir annunziads, ils dretgs da giudida mo, sch'i vegn pretendì, ch'i resultia in donn pervia da la retratga da l'object da giudida.

Inspecturat federal d'installaziuns a current ferm Projects Luppmenstrasse 1, 8320 Fehraltorf Cuir, ils 19 da settember 2024

Uffizi d'energia e da traffic dal Grischun Partiziun per la producziun ed il provediment d'energia



Serrada dalla via da Runfoppa muort in tagl da lenna

Muort lavurs da transport da lenna cun suga vegn la via da Runfoppa ad esser serrada pil traffic motorisau sco era pil traffic plaun. La serrada pertucca en general ils dis da lavur. Gest tenor situaziun sa ei esser che la via ei magari era bloccada la sera ni ina fin d'jamna (cargada da lenna). Nus supplichein da s'informar ordavon davart la situaziun actuala avon che carrar ensiviars. Detagls vegnan publicai sin la pagina d'internet dalla vischnaunca (bulletin da vias e sendas) ed era affischai all'entschatta dalla via a Faltscharidas. Las lavurs da transport da lenna cun suga cuozan prevedentamein entochen miez november2024. Per pedunzs ei igl access libers sur la via veglia entochen Pégn Rodund e Runfoppa Sut. Per viadis urgents viers Runfoppa Su ein ils pertuccai supplicai da contactar il selvicultur Simon Cathomen, telefon 081 920 36 41.

Bien engraziament per l'enconuschientscha e capientscha.

Uffeci forestal Disentis/Mustér

Impediment dalla senda da viagiar

Cuflons–Fontanivas

Muort lavurs da construcziun vegn la senda da viagiar Cuflons – Fontanivas serrada temporarmein egl in schess dalla nova punt pendentia per tut il diever. Las lavurs han prevedentamein liug naven da venderdis ils 13 da Settember 2024 e cuozan rodun 15 dis.

Igl access tras il plazzal da lavur ei pussevvels cun temps da spetga denter 15 – 30 minutas. In sviament ei buca signalisau. Per damondas urgentas stat la direcziun da construcziunadisposiziun, ipz ingenieure und planer 081 943 17 22.

Bien engraziament per l'enconuschientscha e capientscha.

Einschränkungen auf dem Wanderweg

Cuflons–Fontanivas

Aufgrund von Bauarbeiten wird der Wanderweg Cuflons – Fontanivas im Bereich der neuen Hängebrücke zeitweise gesperrt, wenn Arbeiten direkt über dem Weg stattfinden. Die Bauarbeiten beginnen voraussichtlich am Freitag, den 13. September 2024, und werden etwa 15 Tage andauern. Während dieser Zeit kann es zu Wartezeiten von 15 bis 30 Minuten beim Passieren der Baustelle kommen. Eine Umleitung ist nicht ausgeschildert. Bei dringenden Anliegen können Sie sich an die Bauleitung wenden: ipz Ingenieure und Planer, Telefon 081 943 17 22.

Wir danken Ihnen für Ihr Verständnis und Ihre Kenntnisnahme

Taxa da cumpensaziun da pumpiers 2024

L'obligaziun da far pumpiers entscheiva all'entschatta digl onn ch'ins cumplenescha il 21avel onn da naschientscha e finescha alla fin digl onn ch'ins ha cumplenu il 45avel onn da naschientscha. Tgi che presta buca survetsch activ ha da pagar ina taxa da cumpensaziun. Tenor art. 15 dalla lescha da pumpiers dalla vischnaunca da Mustér ein student(a)s ed emprendist(a)s entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagl ei ils 30 da settember. Ei dat negins quens pro rata. Nus fagein attents **student(a)s ed emprendist(a)s sur 21 onns** d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard venderdis, **ils 27 da settember 2024** all'administraziun communal, caum postal 57, 7180 Disentis/Mustér ni per e-mail (rgenelin@disentis.ch). Mo cun ina confirmaziun a scret sa la deliberaziun vegnir risguardada. Gia ordavon grond engraziament per las breigias.

Administraziun communal



Annunzia fiera da Nadal

Preziai expositurs. Las Uniuns da dunnas da Disentis/ Mustér e Tujetsch organisaschen alternont la fiera da Nadal. La fiera ha liug sonda, ils 23 da november 2024, dallas 11.00 – 19.00 a Disentis/ Mustér e vegn organisada dall'Uniun da dunnas Disentis/ Mustér. Sin Voss'annunzia entochen gievgia, ils 5 da october 2024 selegra, Uniun da dunnas Disentis/ Mustér, Rita Huonder, Via Clavaniev 1, 7180 Disentis/ Mustér, telefon 076 559 44 74 ni e-mail rita.huonder@bluewin.ch

Uniuns da dunnas Disentis/ Mustér

Uniun da dunnas Disentis/ Mustér

Fiera da resti d'affon atun

Nus prendein encunter bien, schuber ed entir resti dad unviern navenda grondezia 50 entochen 176, vestgadira da gravidonza, termagls, calzers, sezs d'autos e da meisa, crotschas, scarsolas, skis, capelli nas eav. Dunnas che drovan ina nova numera, ni han damondas san prender si contact cun Nadja Schmed, tel. 079 546 09 46

Retschevida: Venderdis, ils 20 da settember 2024 allas 16.30–17.00 prendin nus encunter la rauba en halla Cons. Fagei aschi bien e metti mintga grondezia da resti en inta tastga e nudei quella cun la numera da vendita.

Vendita: Venderdis, ils 20 da settember 2024 allas 19.00–21.00 e sonda, ils 21 da settember 2024 allas 9.00–10.30 en halla Cons, Mustér.

Retuorn dil resti buca vendiu e pagament (minus 20%): Sonda ils 21 da settember 2024 allas 12.30–12.45. Per uorden che maunca savein nus surprender negina responsabladad.

Nus selegrein sin vossa viseta.

Kinderkleiderbörse Herbst

Wir nehmen gut erhaltene, saubere und ganze Winterkleider von Grösse 50 bis 176 entgegen. Schwangeschaftskleider sowie Spielsachen, Schuhe, Auto- und Tischsitze, Kinderwagen, Schlitten, Skis, Helme usw. Wer noch keine Nummer besitzt, kann diese bei Nadja Schmed, Tel. 079 546 09 46 anfordern. Annahme: Freitag, 20. September 2024 von 16.30–17.00 Uhr in der Turnhalle Cons, Disentis. Bitte jede Kleidergrösse separat in einer Tasche abgeben. Die Taschen bitte mit der Nummer versehen. Verkauf: Freitag, 20. September 2024 von 19.00–21.00 Uhr und Samstag, 21. September 2024, von 9.00–10.30 Uhr, in der Turnhalle Cons, Disentis. Auszahlung (abzüglich 20%) und Rückgabe: Samstag, 21. September 2024 von 12.30–12.45 Uhr. Für fehlende Sachen können wir keine Haftung übernehmen. Wir freuen uns auf euren Besuch.

Resort fiera da resti

Uniun da dunnas Disentis/ Mustér

Sentupada cun affons pigns e geniturs

Nus envidein cordialmein tut ils affons entochen treis onns (cun fargliuns e geniturs) da s'entupar, termagliar e paterlar. Gliendisdis, ils 30 da settember 2024, allas 14:30-16:00 en casa da scola Segnas, local artgin, ella 1. alzada. Prender cun marenaescaflins. Era la cussegliaadra da geniturs vegn ad esser presenta per inputsedamondas.

Cordialmein envida

ressort affons



Uniun la pendentia

Impediment dalla senda da viagiar

Cuflons–Fontanivas

Muort lavurs da construcziun vegn la senda da viagiar Cuflons – Fontanivas serrada temporarmein egl intschesch dalla nova punt pendentia per tut il diever. Las lavurs han prevedentamein liug naven da venderdis ils 13 da Settember 2024 e cuozan rodun 15 dis. Igl access tras il plazzal da lavur ei pusseivels cun temps da spetga denter 15 – 30 minutas. In sviament ei buca signalisau. Per damondas urgentas stat la direcziun da construcziun a disposiziun, ipz ingenieure und planer 081 943 17 22.

Bien engraziament per l'enconuschientscha e capientscha.

Einschränkungen auf dem Wanderweg

Cuflons – Fontanivas

Aufgrund von Bauarbeiten wird der Wanderweg Culons – Fontanivas im Bereich der neuen Hängebrücke zeitweise gesperrt, wenn Arbeiten direkt über dem Weg stattfinden. Die Bauarbeiten beginnen voraussichtlich am Freitag, den 13. September 2024, und werden etwa 15 Tage andauern. Während dieser Zeit kann es zu Wartezeiten von 15 bis 30 Minuten beim Passieren der Baustelle kommen. Eine Umleitung ist nicht ausgeschildert. Bei dringenden Anliegen können Sie sich an die Bauleitung wenden: ipz Ingenieure und Planer, Telefon 081 943 17 22.

Wir danken Ihnen für Ihr Verständnis und Ihre Kenntnisnahme.
